

HIRU KUTXAK

Helburuak

Sentimenduak adieraztea eta elkarren laguntzaz haiei aurre egiten ikastea.

Parte hartzaileak

+8

Garapena

Amaitu gabeko esaldi bana duten hiru kutxa jarriko ditugu. Adibidez:

Nahiago nuke ez...

Nire arazoetako bat...

Damu dut...

Paper eta bolalumak banatuko ditugu parte hartzaileen artean eta esango diegu esaldi amaiera batzuk idazteko (bat gutxienez, hiru gehienez) kutxa bakoitzeko.

Esaldi amaierak idatzi ahala, dagokien kutxan sartuko ditugu, tolesturik eta sinadurarik gabe.

Adostutako denbora igarotzean, edo denek idazten amaitu dutela ikustean, txarteletako bat irakurriko dugu, eta, denen artean, hura idatzi duenaren arazoarentzako irtenbide bat bilatzen saiatuko gara.

Prozesua errepikatuko dugu txartel guztiak irakurri arte.

Antolaketa

Biribilean eseriko gara, hiru kutxak erdian hartuta.

Jolas eremua

Lan aretoa.

Denbora

Ordu eta erdi (parte hartzaileak zenbat diren eta zenbat txartel idatzi diren).

Materiala

Orriak eta idazteko materiala.

Hiru kutxa.

Aldaerak

Kutxan idatzita dauden esaldiak talde osoa nahasita egon den egoeraren batera egokitutakoak izan daitezke.

Kutxa gehiago edo gutxiago jar daitezke, eta pertsona bakoitzak idatzi beharreko txartel kopurua ere mugatu egin daiteke.

Gomendioak

Azpimarratu elkarren arteko laguntza sustatzeko jolas bat dela eta adiskide giroan jardun beharra dagoela.

Ebaluazioa

Ez dago.